

Mafucedo a Bayibulo a  
Valiphara a wa Jikumi  
Jozaala na Munemba etho  
Jowelihiwa

Ufulu wa umwinnya © 2022 Charles Shaver

Mpangelo ula wa *Basic Bibles Studies for the Spirit-Filled and Sanctified Life* [Mafucedo a Bayibulo a Valiphara a wa Jikumi Jozaala na Munemba etho Jowelihwa], usakanyediwe na Charles Shaver. Uli osungeya na malamulo a jilambo jethene a alimba panga. Munokhoza iciviha momasuwa vofuna lambiha va ekhinyu. Koma malambihelo amohi khanafuneya somedeliwa na mulimba panga.

Vyowokiwa vyethene vya m'Malembo psyokhumela mu BAYIBULO

# Lambiha wa fucedo eli

Lililethene mwa mafucedo a bayibulo khangaharela kokhaana yofuka yokhuzana liphara lofuna garathiha ubali na Krisitu. Elenga yofuka aera eeno usayeke yosomeda m'bayibulo mwawo. Valembiwa Yohani 1:12, inataphulela bukhu la Yohani, muru 1, ndima 12. Yothonyiheda umaambelo wa Bayibulo unondandaniha nambala wa takhuru la bukhu lililethene. Fanya yosomeda m'Bayibuli, aera eeno lemba na mazu aawo mwinnya.

Bayibulo liitaphuleliwa mmitundu dohiya, etho thatela wa mazu a tundu uliwethene wa Bayibulo khohiyana vang'ono. Unafuneya sunga mmuru ndima ya tundu unawuwomela, akhala unaweyo khohiyana.

Unafuneya cerengeda naari dindela jowi iwukhamihe sunga mmuru. Uendekena valivethene naari bandeliha va kaliwale. Etho unokhoza lambiha ngati yoromolela bukhu. Jolinga chi yokhanna vakhwikhwi jowi thawi dethene waying'ana, ukwakwaniheke woka ndimeyo.

## Wokolela wa olambanaye wofuciha

Zikomo vomukhamiha ofuceda mariha ndandanda wa mafucedo. Ja phama chi jowi weyo na ufuceda uyo mugumaneke tila imohi va mulungu jowi muwumbuchane mafucedo. Akhala khuhowodeya asungeni amohi khamunyemeliwe.

Umusomedela Yesu ngati mvulumuchi wagho na Ambwiye etho unomuhara dambo na dambo. Unofuceda iziwa Bayibulo etho pephela. Mwina unofuna iziwa vya Munemba Owela. Fucedo eli linowukhamiha iziwa jowi Munemba owela khu mbaani nanga Liye unawoneyele avi mu jikumi jawo.

1. Ezekiyeli ooroheda dambo elo Munemba wa Muluku unaze liye aerena chito yavadela muwari mwa athu. Munemba unaza awuerela nni weyo? (Ezekiyeli 36:26-27) \_\_\_\_\_  
\_\_\_\_\_
2. Yesu oogumana no thomeyiwa. Vyi vyathonyiheda jowi liye aere aahiye ofucedaje wu tuthu(Yohani 14:1-4). Mbaani aere aze ahale malo a Krisitu? (Yohani 14:16-17) \_\_\_\_\_  
\_\_\_\_\_
3. Cholepheliha chiivi unahela Yesu voachela Munemba Owela? (Yohani 14:17) \_\_\_\_\_  
\_\_\_\_\_
4. chiini inaera Munemba Owela va Yohani 15:26? \_\_\_\_\_  
\_\_\_\_\_
- Yadjedihiwa chinni jowi ofuceda a Yesu khaerena? (Yohani 15:27)  
\_\_\_\_\_  
\_\_\_\_\_
5. Chito chiivi yavadela inaze ierena Munemba Owela vajilambo? (Yohani 16:8-11)  
\_\_\_\_\_  
\_\_\_\_\_
- Sambawula vya thawi imohi eneyo Munemba owukokile liye. \_\_\_\_\_  
\_\_\_\_\_
6. Chito chiivi yavadela ineyo Munemba unaze liye ayiera vaghari va ofuceda? (Yohani 16:13-14) \_\_\_\_\_  
\_\_\_\_\_  
\_\_\_\_\_
- Sambawula vya thawi imohi eneyo Munemba awusogolede liye. \_\_\_\_\_  
\_\_\_\_\_
7. James Moffate unataphulela Yohani 14:16 ngati "jowi awuvaheni okhamiheda mmohi". Elenga iliyethene mwa ndima dohareladi etho sambawula mwemo Munemba owela unawukhamiheda.
  - a. aRoma 8:26 \_\_\_\_\_
  - b. Chito 1:8 \_\_\_\_\_

- c. Chito 4:31 \_\_\_\_\_
- d. 2Peduru 1:21 \_\_\_\_\_
- e. aRoma 8:16 \_\_\_\_\_

Sambawula vya thawi imohi eneyo Munemba Owela awukhamihile.

\_\_\_\_\_

\_\_\_\_\_

8. Akrisitu ethane ajimbarimbari a pheeno kokhaana Munemba Owela, moharela na aRoma 8:9b. Khu ubali uuvi ogatheya na Muluku unafuneya? (aEfeso 3:16-19) \_\_\_\_\_
- \_\_\_\_\_
9. Mbaani alandilena mbali yosanyulela kapena vaha Munemba Owela wa oharela araci? (Chito 2:32-33) \_\_\_\_\_
- \_\_\_\_\_
10. Pha mazu aavi khanahindihiwa ofuna musambawula Muluku va 1Peduru 1:15-16? \_\_\_\_\_
- \_\_\_\_\_
- Jikumi jowela jinalikana nanni? \_\_\_\_\_
- \_\_\_\_\_
11. Chito chiivi inahinda Munemba Owela jowi awuwelihe (welihiwe, puputiwa, ambihiwa)? (1Peduru 1:2) \_\_\_\_\_
- \_\_\_\_\_
12. Wu aRoma 8:9, Munemba Owela unayithaniwa Munemba wa Muluku. Thi zina limohi liivi linaachela Munemba Owela eva? \_\_\_\_\_
- \_\_\_\_\_
- Unaganiza jowi liye unayithaniwela nni eeni? \_\_\_\_\_
- \_\_\_\_\_
13. Volandela vifucedile weyo mu fucedo eli, wamuere jowi Munemba Owela khu mbaani? \_\_\_\_\_
- \_\_\_\_\_
- \_\_\_\_\_
14. Munemba wa Muluku pheeno unafuna akhaleke uuvi? (1 aKorinto 3:16)
- \_\_\_\_\_
- \_\_\_\_\_

15. Rees Howell, ndimuwa wa pingo mukhada gale(1879-1950), mulimba ambeeliha Shikola ya Bayibulo mujilambo ja Gale, ali muthu wa pepheho. Masiki amusomedeke Krisitu no baliwa mMunemba, okhalela umboni gumana wa muwari na Munemba Owela:

Liye ondiandela: “A mwemo Mvuluchi okhaana tuthu, miyo ndinakhala mu nyumba ya Muluku yowelihiwa ya orolomela. Miyo ndili muthu. Miyo ndili Muluku ndizede vepha jowi undivahede tuthu lagho jowi miyo ndikwakhwanihe lamba zela mwa elo. Ndinafuna tuthu jowi likhale kacisi waka (1 aKorinto 6:19). . . .

. . . Vyi vyinataphulela jowi inyenyeswa iliyethene ya ikhalo yaka yocimwa yafuneya dowa va tanda, evo liye oozana jikumi jaye na jikhalelo jaye.”

(Norman Grubb, *Rees Howell, Intercessor* [Rees Howell, Omuhemba w'abandu], Fort Washinton, Pensilvaniya: Sokano wa Vyolemba vya Ikrisitu, 1952)

16. Khu uthenga uuvi ofuneyecevcha mu umboni unola wa weyo? \_\_\_\_\_

---

---

Uukhala ukhaanaka momuyiziwela mwagho Munemba Owela. Munemba Owela kokhamiha. Liye unafuna awukhamihe. Munemba Owela khu Munemba wa Krisitu. Liye unafuna awupangihe khala ofanafana na Yesu. Munemba Owela khu, uluku. Liye unokwakhwaniha.

Bayibulo mwavadela bukhu la Chito, linowuwandela vya Munemba Owela na chito daje. Unokhoza elenga muru umohi wa chito vadambo, hiya mafucedo ala. Lililethene mwa mafucedo anala khanokhaana yofuka yokhuza Chito na mabukhu amohi a mBayibulo.

Vano ukhaana vecеча waphama jowi Munemba Owela khu mbaani. Mwa eeno vikhala vyicici vyowi udidele vyokhuza vyinafuna Liye era va jikumi jawo. Ukhozeya jowi ufucedeve?

## Ndimba yofuna sunga mmuru

Miyo ndinonvepha wa aBaba, liye unouvahani houkhamihedani mmohi, jowi akhale nanyo thawi ithene. Munemba wa jimbarimbari, jilambo khajinaza jimucela, mwasa khajinamuwona, etho khajimunonile; koma nyio muumunona, mwasa liye unakhala nanyenne, etho unakhaleke mwanyenne (Yohani 14:16–17).

Jikumi ja jikrisitu chi jowodeya akhala muthuyo kho “baliwa mwa Munemba” (Yohani 3:5–8). Mukrisitu uliwethene ukhaana Munemba Owela. Nifucedeceche modiiha tuka unola wa Muluku.

1. Elenga Yohani 3:1–15.

a. Udindo wa mupingo wa Nikodemu wali uuvi? (Yohani 3:1–2) \_\_\_\_\_

b. Mogwilizana na Yesu, chofuneyela jiivi jing'onong'ono jowi muthu akhale mu umwene wa Muluku(mweniwa khu Muluku)? (Yohanin3:3)

c. “Baliwa mMunemba” unalikanishiwa na nni, mwasiwa? (Yohani 3:8)

d. Unafuneya era avi jowi ulawihe baliwa wa mmunemba weghu? (Yohani 3:15 etho 1:12) \_\_\_\_\_

e. Baliwa usha unataphulela jikumi jisha. Jikumi jagho jisha mMunemba jiwucenjile avi mu tila dohareladi?

(1) Mu kwakhwaniha wawo womela? \_\_\_\_\_

(2) Momuvela wawo Muluku? \_\_\_\_\_

(3) Mu ubali wagho na athu amohi? \_\_\_\_\_

(4) Mu jikhalelo jawo na vyokhuza cimo? \_\_\_\_\_

2. Utenga waphama wa Yohani unawoka vyobaliwa mMunemba, mwina baliwa usha. Ugaana tila edoMuluku uucenjile liye. Vasogolo mu jipangano jisha,Yohani okokha unolemba wu 1 Yohani unawoka da tila dimohi downiheda jikumi jawo jisha mwa Krisitu. Thi diivi?

a. 1 Yohani 4:7–8 \_\_\_\_\_

b. 1Yohani 2:3 \_\_\_\_\_

c. 1Yohani 5:4–5 etho 4:4 \_\_\_\_\_

\_\_\_\_\_

d. 1 Yohani 4:13 \_\_\_\_\_

\_\_\_\_\_

e. 1 Yohani 5:18 \_\_\_\_\_

\_\_\_\_\_

3. Unafuneya khamihiwa vaavi mu samabawula wegghu? \_\_\_\_\_

Chiivi mwa tila edi inawupangiha weyo vah phama? \_\_\_\_\_

\_\_\_\_\_

4. Akhala uucimwa, unafuneya uere avi? (1 Yohani 2:1–2) \_\_\_\_\_

\_\_\_\_\_

5. Unayiziwe avi jowi uli mwana wa Muluku? (aRoma 8:16) \_\_\_\_\_

\_\_\_\_\_

Uvikhalilenawo avi mu jikumi jawo? \_\_\_\_\_

\_\_\_\_\_

6. Khu majeceliho avi khanavahiwa okhuzana na Munemba Owela wu aEfeso 4:29–32? \_\_\_\_\_

\_\_\_\_\_

Jimbarimbari eji jinawukhamiha avi mvececha phama Munemba Owela? \_\_\_\_\_

\_\_\_\_\_

7. Tila ya Pawulo chiivi yofuna romola baliwa wa mMunemba wu aEfeso 2:5, 8–10? \_\_\_\_\_

\_\_\_\_\_

8. Thi pephelo liivi Pawulo aapephelede liye akhada Efeso aKrisitu?

a. Wu aEfeso 3:16 \_\_\_\_\_

\_\_\_\_\_

b. Wu aEfeso 3:19 \_\_\_\_\_

\_\_\_\_\_

9. Inawulimbiha murima chinni mowi urolomele jowi pephelo eli linokhoza somediwa mu jikumi jawo? (aEfeso 3:20–21) \_\_\_\_\_

\_\_\_\_\_

10. Pederu oomukhonda Kristu vothomeyiwa. Vanduli va Krisitu venya wa okhwa, unowoka na Peduru (Yohani 21:15-22). Yamuereyele chinni vasogolo Peduru khumufuciha jowi akhale sogoleli wa Pingo Uraci? (Chito 1:8; 2:2-4; 4:8) \_\_\_\_\_

Chi jisimikizo chiivi ya kopholo yali mu laleya waje? (Chito 2:41) \_\_\_\_\_

Khu funececha owi avi wa kopholo da munemba unakhaanecha weyo? \_\_\_\_\_

11. Khu lonjezo liivi la munemba Owela laerilena Peduru? (Chito 2:38-39) \_\_\_\_\_

Inafuneya ereya varaci chinni? (Chito 2:38) \_\_\_\_\_

12. Jile nafuneye iyo ithana “comiti ya pingo wa vamalo” yoamba yasakuliwa wu Chito 6:3. Khu mawoneyelo aavi Khanna osakuliwa? \_\_\_\_\_

13. Unayiziwa avi jowi Krisitu unakhala mwa weyo? (1 Yohani 3:24) \_\_\_\_\_

14. Charles Colson, okhamihedela wa prezidenti ovuma wa wu Amereka Richard Nixon, oovivelela khala olakwa wu vyaereyile wu Watergate etho othongiwa khala mu khambura. Aali mukhambura eenile, oosanduwa omuharela Krisitu na ochinjheda cenjiwa wa maendihedo a khambura. Colson aveleeliwe wa Krisitu na Tom Phillips, prezidente wa Raytheon Corporation. Phillips oerela umboni wa Colson:

Yakhala ngati khailivo inna chito. Vyethene vyali vadimu dimu. Vyoko vyethene vyohindeya vya vathi vano khavinna thandawuzo akhala muthu khadidelile evyo vyili vanduli wiwa.

. . . mahighu amohi ndali wu Nyu woki wu bisimesi ndowona jowi Billy Graham ukhaana sokano wu Madison Square Garden. . . . ndali-ofuneecha, ndinaganiza miyo- ndajediheda fanya vyosomeda. Vyawokile Graham mahighu anale vyohohela vyethene mmalo mwiwa mwa miyo. Ndwona jahalede, ubali waka na Yesu Krisitu, vowi ndali ndahanamuyithanele mu jikumi jaka, khanamvahedile jikumi jaka. Evo, ndoerana eeno- mahighu anayo va sokano.

Ndomvepha Krisitu jowi avolowe mu jikumi jaka etho ndowona khalavo Waje na miyo. Murendeke waje muwari mwa miyo. Ndokwakhwaniha vah Munemba waje vale na miyo. Mwa eeno, ndookhuma jowi ndendaende mekha mu misewu da mu Nyu Woki. Khandinawomeliwekevo na Nyu Woki koma mahighu anala ali oriya. Ndoenda layini na layini. Vyethene vyandiwoneyela mohiyana. Wokhala mvevela wa zongwe magesi a mutawoni khoomoneya mojerimela. Yokhala yandiereyede miyo ndoyiziwa.

(Charles Colson, *Born Again* [Okhukhwibwako Once Khirala], Tappan, N.J.:Fleming H. Revell, 1976.)

15. Umboni unola unawuandela vyowi? \_\_\_\_\_  
\_\_\_\_\_  
\_\_\_\_\_

Munemba Owela wa Muluku unolamba mwa weyo, utukulela omuyiziwa Krisitu. Jikumi jisha, tetezeya, na usogoleli wa Munemba psyawo. Koma va thawi dimohi khanoza mavuto a mmunemba, naari Munemba akaambede. Unovececha phamaphama evyo vyinereya waafuceda fucedo loharelali.

## Ndimba yofuna sunga mmuru

Ale khanavela malamulo aje kanakhalave mwa Liye, etho Liye mwa aliwa. Etho niyiziwa jowi liye unakhalave mwa iyo zela mwa Munemba anivahile liye (1 Yohani 3:24).

Jikumi jawo jisha mwa Krisitu jinokhoza enda phama wa va thawi, koma thawi dicici akrisitu khanogumanecha na vyorucha mu tila, vyoko evyo vyinaakwakhwatucha vau lendo wiwa wa ukrisitu. Tila edo unalimbanelana weyo vyorucha evyi psyinawoke jikhalelo ja ulendo wawo na Krisitu.

1. Makhalelo a umunemba wa ofuceda a Krisitu yahanafiye pentekosite khali owi avi (sanyuliwa no kwakhwanela wa Munemba Owela)?
  - a. Luka 10:20 \_\_\_\_\_  
\_\_\_\_\_
  - b. Yohani 17:14 \_\_\_\_\_  
\_\_\_\_\_
2. Khu mavuto aavi unawona weyo mu makhalelo a ofuceda?
  - a. Luka 9:53-54 \_\_\_\_\_  
\_\_\_\_\_
  - b. Luka 22:24 \_\_\_\_\_  
\_\_\_\_\_
3. Pha makhalelo aavi ajediheda Yesu mwa ofuceda aje? (Luka 22:26)  
\_\_\_\_\_  
\_\_\_\_\_
4. Krisitu unapephelela nni wa ofuceda aje (wa iyo) ifiyaka wumagomihedo wa chito yaje? (Yohani 17:17-20) \_\_\_\_\_  
\_\_\_\_\_
5. Elenga aGalatiya 5:13-26.
  - a. Lali vuto liivi naari khondo iivi ya mmunemba yagumana na akrisitu a wu galatiya? (aGalatiya 5:17) \_\_\_\_\_  
\_\_\_\_\_  
\_\_\_\_\_
  - b. Mukrisitu unakwakhwanihede avi vyofuna vya Muluku?
    - (1) Lamulo linakuthuwela vaavi? (aGalatiya:5:14) \_\_\_\_\_  
\_\_\_\_\_
    - (2) Chi yovaha yoamba naari yohanda ya Munemba unavaha liye? (aGalatiya 5:22) \_\_\_\_\_  
\_\_\_\_\_
    - (3) Unalivececha avi lamulo vano? (aGalatiya 5:18) \_\_\_\_\_  
\_\_\_\_\_

- c. Jikhalelo jocimwa jinafuneya eriwana avi (thawi dimohi jinaromoliwa nyama), eneyo ili yohiyana na Munemba (aGalatiya 5:17), moharela 5:24? \_\_\_\_\_
- d. Yataphulele nni mujikumi jawo, akhala "jikhalelo jocimwa" naari era "nyama" yaathomeyiwe? \_\_\_\_\_
6. Mbaani ali mboni ya Pawulo? (aGalatiya 2:19-20) \_\_\_\_\_
- Mbaani aying'anela jikumi jawo? \_\_\_\_\_
7. Jisisi jogonjiha gonjiha chijiivi? (aGalatiya 5:25) \_\_\_\_\_
- Vyaende avi evyi va jikumi jawo? \_\_\_\_\_
8. Saizi ya mmunemba ya akhada tesalonika yali iivi? (1 aTsalonika 1:4-10)
- \_\_\_\_\_
- Vuto liwa lali liivi? (1 aTsalonika 3:10 etho 4:3) \_\_\_\_\_
- Vano, Pawulo unaapephelela nni? (1 aTsalonika 5:23-24) \_\_\_\_\_
9. Muluku unaavepha nni akrisitu? (aHeberi 12:14) \_\_\_\_\_
10. Cinni jili wundulu wa chito da cimo? (aEfeso 2:2-3) \_\_\_\_\_
- Chi jithandizo jiivi unafanya weyo va Yakobo 4:8 jowi uveceche khani inela? \_\_\_\_\_
11. Elenga aRoma 6 fiyeda 8.
- a. Chinni Krisitu uuechedelile liye? (aRoma 6:6) \_\_\_\_\_
- \_\_\_\_\_
- b. Ndandaniha malamulo manayi anayo Pawulo agumanilena liye wu aRoma 7:22-23.
- (1) \_\_\_\_\_
- (2) \_\_\_\_\_
- (3) \_\_\_\_\_
- (4) \_\_\_\_\_

c. Pawulo asomedile avi wu vuto na khondo yaje? (aRoma 8:2)

---

12. Masiki Munemba Owela awumasule wu “lamulo cimo no khwa” (aRoma 8:2), unaerana avi fowoka wawo? (aRoma 8:26) \_\_\_\_\_

---

13. Ci khondo chiivi inabuliwana va aEfeso 6:12–13 etho chohiyana avi na khondo vaghari va Munemba na makhalelo ovihelamo, anayo khanasorihiwa wu aGalatiya 5:17? \_\_\_\_\_

---

14. Munowumbuwela makhalelo a ofuceda wu Luka 9:53–54 eto Luka 22:24 (yofuka 2)? Pha makhalelo aavi khanawoniha amohi mwa ofuceda anala wu Chito 4:31? Pha makhalelo na mawoneyelo khannaathu vano? (Chito 4:32–35).

---

15. Sherwood Wirt ali namalemba wa pepala la *Decision Magazine* [Mundongo wa Uyochi], la gulo la Billy Graham. Masiki ali ndimuwa wa jikrisitu, Wirt oosomedela khondo daje damuwari, vanduli viwa somediwa wa mujidimu.

Malambo ethene a jikumi jaka, yowumbuwela imohi ya ghale yoowela khumela wu manda a munduli, ndizelakana mmaganizo vyoereya vyotakhala vyaereyile mu tila mwaka.

Mosanyeya ndoofuceda vya jikumi japhama ndavide miyo etho ndoovaheda amohi.

“Khala okhurumuwele waphama.” Vuto lali lowi khandakwakhwaniha diwala.

“Sakanyeda vyoko.” Miyo nooshisha; vyigamba vyoovenyamo.

“Vuhelela mbazo.” Miyo ndoovuhelela; koma ndiyiziwaka vamalo vavuhelede miyo, ndookhanyihedave vuhula.

“Vochedani mu nyanja yodiwala.” Khandafanyile wokokha mapu a nyanja inela.

Voovira vyagha vyicici khumela evo ndahindihile miyo Uthenga waphama mu jikumi jaka ja mwinnya, muwari. Ndoosayela Bayibulo jowi lindikhamihe. Mu kalata ya Pawulo wa aEfeso, ndoofanya ndima: “Yowaawa yethene, lunduwa no vyamo murima. . . vyikhumemo mwa nyio” [wonani 4:31].

Vyafuneya muthu mmohi aerena; yali molaphela no kwakhwaniha waka.

Wu Esaya 61, ndinaelenga: “Munemba wa Ambwiye Muluku uli va miyo. . . jowi ndiriyelele wohokhala dora, makhura a jisangalalo wokokhala kutho, vyowara vyothamaleya wohokhala munemba onyemeliwa”.

Vano, jakhala eji jodidiliha-makhura a jisangalalo jovahiwa na Munemba Owela? Jisangalalo cakhala ngati jihalelavo. . . .

Ndakhala ngati ndili wu mbali ya ngalande ighulukhulu vaghari va jipupulu. Muwari mule ndoova lilima wa maice othamaka khadowelaka wolapha; koma evyi khavyaerihile jowi thona yaka imale, etho miyo khandayiziwa jowi ndinafiyede avi.

Evo ndoojedihela wa Ambwiye, aliwa khoondiworamiheda mabaru iwa wa miyo. Aliwa khoova suma waka-wohokhala asumela amohi ulendo ula, koma wa miyo wa mwinnya.

Phi vyowona jowi mazu phokwheya akhumiha, etho Muluku unoyiziwa. Koma ndikamuandede jowi ndinoohiya mpando waka wa umwene wa Jikumi jaka (ndinabulana jikumi jaka ja jikrisitu); ndikawokole jowi limba waka uuthamakihwa no tukuleliwa wu uzaari; ndikamuvephile jowi andithomeye, oosomeda soriha waka etho oosomedela jovepha jaka.

Mu thawiwa etho molikana na vyofuna vyaje, oorumiha yotathanyela ya umuluku wu murima osawuwa ula. Yali ngati khaha wa zuwa unatathanya ifunga.

Khandinayiziwa phamaphama emo mwazele womela, koma ndiyiziwa jowi vya murima wethene wasungela miyo amohi - thakanihedavo na anayo khali avakhuvi na miyo - obalaleya.

Lunduwa, umwidani, voreyiwa wa murima - vyithene munakhoze nyio ganizela.

Vyethene vyootathanyeya. Vyookapuzeda khu dimeela.

(Sherwood E. Wirt, *Afterglow* [Uukali wa muthamo], Grand Rapids: Zondervan Publishing House, 1976.)

16. Yosomeda yawo chiivi wu umboni unola? \_\_\_\_\_

\_\_\_\_\_

Naabaliwa mwa Munemba, ninafuneya somedela jikhalelo jihu jocimwa. Bayibulo lini jikhalelo jicimwa jinokhoza thomeyiwa! Ninokhoza didela “lamulo la cimo lilambaka mwa iyo” (aRoma 7:23). Koma lamulo la Munemba wa jikumi (8:2) linokhoza nimasula!

## Ndimma yofuna sunga mmuru

Ali khali aje a Krisitu Yesu khoothomeya jikhalelo jiwa jocimwa, vamohi na vyofuna vyiwa etho vyosayela. Vowi ninakhala mwa Munemba, ninafuneya etho nimuhare Munemba (aGalatiya 5:24-25).

Vanduli vosakula veleela jikumi jawo mwatutha wa Muluku no vepha jowi ukhale ozaala na Munemba Owela, unokhaana ubali odiiha na Muluku. Longosola khondo inela yamuwari wa moyo waawo (ineyo amohi khani “khondo yohokhala yamasika yamuwari”) mofunela vyaphama ing’anela Munemba chi ejo Bayibulo linayithanaathu welihiwa watutha.

1. Chinni yawokile namawokela wa Jipanganoja Ghale Yeremiya, jowi yakhale tila isha ya Muluku longosolana na athu wusogolo? (Yeremiya 31:33) \_\_\_\_\_

2. Khu uthenga uuvi alaleyile Filipo wa akhada samariya? (Chito 8:4-8, makamaka va ndima 5) \_\_\_\_\_

Orumiwa wu Yerusalemu khaerile avi vosomeda? (Chito 8:14-17) \_\_\_\_\_

3. Chinni yaapephelede Pawulo akrisitu a wu Efeso? (aEfeso 3:16, 19) \_\_\_\_\_

4. Krisitu owalangiza ofucedaje jowi khamwade uthengaje. Aandelile nni jowi kakhozeyle nni wu chito inela? (Luka 24:48-49) \_\_\_\_\_

Avyisambawulile avyi evyo alonjezile Baba?(Chito 1:4-5) \_\_\_\_\_

Munemba Owela aerela nni aliwa? (Chito 1:8) \_\_\_\_\_

5. Chocenza chiivi yawonile akrisitu a wu Korinto mujikumi mwiwa? (1 aKorinto 6:9-11, makamaka nd.11) \_\_\_\_\_

Lizu lowi “owelihiwa” linaasambawula akhada korinto va ndima 11. Thawi dicici, ila inafotokozeliwa ngati “welihiwa oamba”. Chowoniha jiivi jilivo jowi akhada korinto khoofuneya ubali odiiha na okwakhwanela na Muluku? (1 aKorinto 3:1-3) \_\_\_\_\_

\_\_\_\_\_

\_\_\_\_\_

6. Muluku unawuyithana avi jowi ukhale va ubaliodiiha na Liye?
- \_\_\_\_\_
- \_\_\_\_\_
- \_\_\_\_\_

7. Athu acici a mujipangano Jisha khanasambawuliwa khala ozaala na Munemba. Peduru wu Chito 4:8. Saulo (unoyo vasogolo ayiziweyile na Pawulo ) wu Chito 9:17 etho 13:9. Etho Barnabas wu Chito 11:24. Wamusambawule avi muthu unoyo uli ozaala na Munemba? \_\_\_\_\_
- \_\_\_\_\_
- \_\_\_\_\_

8. Hiya zaala na Munemba etho welihiwa mwatutha, ma mazu aavi amohi khanasambawula jikumi joveleeliwa mwatutha etho jopuputiwa?

- a. Mateyu 5:8 \_\_\_\_\_
- b. 1 1Yohani 4:17-18 \_\_\_\_\_
- c. aHeberi 4:9-11 \_\_\_\_\_
- d. aHeberi 6:1 \_\_\_\_\_
- e. aRoma 6:18 \_\_\_\_\_
- f. Pha mazu aavi mwa mazu ala anayo khanawoka mwakopholo wa nyio etho mwasiwa? \_\_\_\_\_
- \_\_\_\_\_
- \_\_\_\_\_
- \_\_\_\_\_

9. Thi phindu liivi linafanyahiyo nakhala ozaala na Munemba?

- a. Chito 4:31-32 \_\_\_\_\_
- \_\_\_\_\_
- b. Chito 6:5 etho 7:55, 59-60 \_\_\_\_\_
- \_\_\_\_\_
- c. aRoma 15:13 \_\_\_\_\_
- \_\_\_\_\_

10. Wu aTesalonika 1:3-8, orolomela khanotetheeliwa.

- a. Yofuna ya Muluku yali nni wa aliwa? (1 aTesalonika 4:3,7) \_\_\_\_\_
- \_\_\_\_\_

b. Inataphulela nni khoonda malangizo anala? (1 aTesalonika 4:8)

---

---

c. Vano, chinni Pawulo unaapephelela liye? (1 aTesalonika 5:23-24)

---

---

d. Mbaani unaweliha etho evyi vyinaereya avi? (1 aTesalonika 5:23)

---

---

e. Chinni imohi inavepha Pawulo hiya welihiwa? (1 aTesalonika 5:23)

---

---

f. Chi jiolomelo chiivi unafuneya weyo khaala jowi Muluku unosomeda pephelo lawo lowelihiwa okwakhwanela wa jikumi jawo? (1 aTesalonika 5:24)

---

11. Elenga aEfeso 5:15-21

a. Pha malamulo aavi khanavahiwa akrisitu vah? \_\_\_\_\_

---

b. Waeriwaka khala ozaala wu aEfeso 5:18, khanawoka vya evano, thandawuza jowi ninafuneya khalakave ozaala. Vyinataphulela nni evyi vajikumi jawo. \_\_\_\_\_

---

---

c. Va thawi unasayela weyo khala ozaala na Munemba, Munemboyo unaenda avi mwa amohi zela wa weyo?

(1) aEfeso 5:19 \_\_\_\_\_

(2) aEfeso 5:20 \_\_\_\_\_

(3) aEfeso 5:21 \_\_\_\_\_

---

12. Yesu aawokile vyokhuza achela Munemba Owela wu Luka 11:13, liye oovaha jikhalelo jokhweya. Chi jiivi? \_\_\_\_\_

---

---

13. Oswald Chambers atathiyile mu 1917, ahanakwakhwanihe vyagha 50 vyobaliwa. Wali mariha wa jikumi jaje josapa. Mwa eeno bukhu laje *My Utmost for His Highest* [ Ndisi Wane Wo Wutukiya Kwa Wene Waki Wo Ulambikia] linodowawove likhalaka best-eller. Akali mwana Chambers oomusomedela Krisitu. Vikavirile vyagha, afucihaka wu Dunoon College, oomuva F. B. Meyer awokaka vya Munemba Owela. Chambers oerela umboni:

Khandanna masophenya a wujidimu naari a angelo, khandanna joko. Miyo ndali owuma na wa kwakwakhwa ngati malambo ethene, wohokhaana kopholo naari didela vya Muluku, wohokhaana umboni wa Munemba Owela. Ndooyithaniwa jowi ndawoke va sokano umohiwa, evo miyoyo makhumi mathanu dooza wusogolo. Niereke ndoomuthamala Muluku? Iyai, ndowova evo miyo ahiyeda andimuwa a pingo, miyo dowa gumana na Mr. MacGregor (faka) miyo muwandela vaereyile, liye khwi: “Khunawumbuwela vyoovepha Munemba Owela ngati mituka da mazu a Yesu, etho liye aerile: munoza muachele kopholo. . . ?” Ila cikopholo yawujidimu. Evo ngati zongwe oguza, jimohijiwa joereya muwari mwaka, evo ndowona jowi ndoosauwela kopholo mmata mwaka, vowoka evyo, vyowi ndiwoke: Onani vyinna miyo vohela vyethene ndinna miyo va libuwa.

Akhala vyagha vyinayi vyivirile vyali gehena va Jilambo, vyagha vyithanuvyi vyali paradayiso wajimbarimbari va Jilambo. Tithima wa Muluku, muliha odiiha ogomiheda ovoreya wa murima wa muthu unosefuwela no womela wa Muluku. Womela khu raciha, womela khu vaghari etho womela khu vogomela. Waavolowa womelawo vyethene vyinawoniwa khu Yesu baasi, Yesu wu thawi dethene.

Wayiziwa evyo viwuerele Muluku, kopholo na uwalanga wa cimo unodimeela evo moneya wohowokeya wa Krisitu unakhala mwa weyo uufiya, phaevo vanawoneya alombwana na aighana khafuneya khala ahima a mwene na Muluku anayo khamakiwe na vyoviwoniheda – oh, vinowambeela vececheya vyawoka orumiwa afuna liye woka aerile jowi ofunececha dodobeliwa na Krisitu jowi athu khavulumuchiwe! . . .

Khahi vyodabwiha jowi unowoka vacici vya jikhalelo jocenjeya: Muluku oocenja jaaka; miyo ndali evo Liye aerakana evyi.

(Raymond Edman, *They Found the Secret* [Bavaphile Nungwi], Grand Rapids: Zondervan Publishing House, 1980).

14. Yosomeda yawo chiivi va umboni unola? \_\_\_\_\_

---

---

Khu sangalala owi avi! Unokhoza khala ozaala na Munemba. Unokhoza welihwa watutha. Makhalelo okhala ozaala na Munemba khu muru wa fucedo lohareda.

## Ndimma yofuna sunga mmuru

Khamulezele na vinyu, unoyo unawulandelani oerana vyabure. Mmalo mwiwa zaalani na Munemba. (aEfeso 5:18)

Vano vowi unovececha ejo vyinafuciha Bayibulo, mwina unofuna khala ozaala na Munemba etho khala owelihwe mokwakhwanela. Bayibulo lino sambawula phama emo vyinaereyela.

1. Chi yoera iivi nasomedeliha welihwa no puputiwa?
  - a. aHeberi 10:10-14 \_\_\_\_\_  
\_\_\_\_\_
  - b. aHeberi 13:12 \_\_\_\_\_  
\_\_\_\_\_
2. Yohani 12:24-25, chi itakataka ya jikumi ja jikrisitu. Phi vyikhalelo vyivi mujikumi jawo vyinafuneya “volowa mu thagha no khwa” jowi ukhale okhozeya wethene wa Muluku? \_\_\_\_\_  
\_\_\_\_\_
3. Elenga 1Yohani 1:7.
  - a. Cinni inanipuputa? \_\_\_\_\_
  - b. Khumela wu tundu nni wa cimo? \_\_\_\_\_
  - c. Whjofuneyela chinini wu uwiwa? \_\_\_\_\_  
\_\_\_\_\_
  - d. Inataphulela nni wa weyo enda mu moneya naari khala mu moneya? \_\_\_\_\_  
\_\_\_\_\_
4. Mbaani uli osakuleya jowi aachele ututha wa Munemba no khala owelihwa mokwakhwanela? (Chito 5:32) \_\_\_\_\_  
\_\_\_\_\_
5. Khu phaso chiivi Yesu unaandela liye ofucedaje jowi khajedihele wu Chito 1:4-5? \_\_\_\_\_  
\_\_\_\_\_  
\_\_\_\_\_
6. Chinini Yesu aandelile liye ofucedaje vyokhuza vepha Munemba Owela? (Luka 11:9-13) \_\_\_\_\_  
\_\_\_\_\_  
\_\_\_\_\_
7. Elenga aRoma 12:1-2. Abali anala khu nni (athu a banja la Muluku) ocelihwe jowi khaerena matuthu iwa? \_\_\_\_\_  
\_\_\_\_\_  
\_\_\_\_\_

Yataphulele nni wa weyo “veleela tuthu lawo ngati sembê yokhalawo ya Muluku”? \_\_\_\_\_  
\_\_\_\_\_

8. Ofuceda kaakhala ozaala na Munemba vyinadimeliwa avi?
  - a. Chito 2:4 \_\_\_\_\_
  - b. Chito 8:15-17 \_\_\_\_\_
9. Unawuwelihani mbaani? (1 aTesalonika 5:23) \_\_\_\_\_
10. Munemba Owela unaacheliwa avi mokwahwanela naari welihwa unafiyediwa avi? (aGalatiya 3:14) \_\_\_\_\_
11. Jagha jimohi vanduli vorukunuwa waje, Stanley Jones okhala mu jisangalalo jighulukhulu. Evo oodidela jowi gwela murima wohokhala phama, ohoawomela athu na khondo da vathi dowambeela khuma vathi va sube la jikumi jaye. Wona wa jikumi jaye ghawili ghawili wali gonjiha, koma vookhala vyovolowela vyododomiha. Liye oolemba:

Ndali mmavuto. Ndoogomihiwa no wana wa muwariwu. Evo jisewo jowanawu joohuliwa, jahuliwe zela mu bukhu. Ndikakhumihile bukhuli mosungela mabukhu a shikola ya lamulungu, ndooviva khala yoereliwaka volifiyeda. Woondifiyeda gurumeda, wali gurumeda wajidjedihedo. Ndoambeela elenga The Cristian's Secreto f a Happy Life, la Hannah Whitall Smith, wa Quaker. Loosambawula mokwakhwana gonjiha wa muthu okwakhwanela. Murimaka hookhara no khumbwa evo ndaelenga miyo. Khandalielenga ndera litakhuna. Ndo fiya va takhuru la makhumi manayi na mbili evo Muluku awokile liye na miyo: Vano chi thawi yofanya. . . . Ndooshisha jowi ndielenge koma mazu ayo kathaveya. . . . ndoliheya bukhu, miyo vinda mabondo aka umbali wa bedi laka, miyo khwi: Vano Ambwiye, ndiere avi? Aliwa khoondisomeda: unokhoza ndivaha weyo wethene? Ndikanyinyirikile mwa thawi ndoosomeda: Eie, Ambwiye, ndinokhoza, ndinowuvahani wethene miyo, vyethene ndinayiziwa miyo na evyo vyahanayiziwa miyo. Evo liye owoka: vano tukula vyaka vyethene, tukula Munemba Owela. Ndooyimela wa thawi: miyo wethene wa liye wethene; miyo wethene ndali miyene, liye wethene ali liyene, Munemba Owela. Ndo wona ngati mujong'anima vahiwa wegghu. Ndoosomeda morenjeya: Ndinotukula Munemba Owela. Ndoovenya ohokhaana umboni uliwethene koma mazu aje okha. Ndoookhuma na lonjezo limohive la mazu aje. Makhalelo aje khale mu mazu anale. . . . ndoenda musubi laka ndiwelihedaka somedela wewule. Vyokayika vyoambeela ndizela. Ndoerana vyaerile Abrahamu mbalame daazile mwada sembê yaje - odithamakihaka. Ndoenda musubi mule ndithamakihaka vyokayika vyondiwophiha na mata. Mombaraanya ndoozaaliwa-zaliwa na Munemba Owela. Makanyeya no makanyeya wa Munemba oovira mwa miyo ngati mulo opuputa. Ndakheda kwakhwaniha enda vathi misodi da isangalalo

diendaka umaso waka. Khandakwakhwanihile erana joko jimohi wohokhala muthamala – eeno ndoerana. Ndooyiziwa jowi khavyali vyovira; Munemba Owela azede khala mwa miyo malambo ethene.

(E. Stanley Jones, *A Song of Ascents* [Lung'olo Iwa Kupanduka],  
Nashville: Abington Press, 1968)

Yosomeda yawo chiivi wu umboni unola? \_\_\_\_\_

---

---

---

12. Wu fucedo eli uwonawo khani dimohi doharana wa anale khanakhala owelihiwa naari ozaala na Munemba Owela:

a. Sanyeya. Chito 1:12–14 etho Luka 11:9–10, 13 (yofuka 6)

b. Welihwi. 1 Yohani 1:7 (yofuka 3)

c. Ambihwi. aRoma 6:13 etho aRoma 12:1–2 (yofuka 7–8)

d. Roka. Chito 26:18 etho aGalatiya 3:14 (yofuka 11)

Lemba pephelo lovepha jowi Munemba azaale mu jikumi jawo naari pephelo lothokoza vozaaliwa na Munemba. \_\_\_\_\_

---

---

---

---

---

Chinni iwuerere Muluku? \_\_\_\_\_

---

---

Athamaleliwe Muluku wa evyo vyierile liye!

Vanduli vozaala na Munemba (naari khala owelihiwa mokwakhwanela), khuwofuneya khalave mu ubali unola. Pha va mwasa unoyo mukrisitu unafuneya aendeke m'Munemba naari khala m'munemba. Ubali unola kokhalavove ninere niwutaphanye mu fucedo loharela.

## Ndimma yofuna sunga mmuru

Muluku mwinyailo, ulukuwa murendeke, awuweliheni mokwakhwanela. Mowi Munemba winyu wethene, moyo, tuthu vyisungiwe mohokhaana yorunihiwa voza wa Ambwiye yihu Yesu Krisitu. Ule unawuyithanani khorolomeleya etho unoza aarena (1 aTesalonika 5:23–24).

Muthu akhala ozaala Munemba, unoambeela makhalelo amohi a jikumi. Wu khaiwo mamalelo, koma maambeelelo owoma ofuneyela Munemba thawi na thawi. aGalatiya 5:25 unawoka eji ngati "molikana na Munemba", etho aRoma 8:4 unawoka vya ale "khahanayenda mwa nyama, koma mwa Munemba".

1. Elenga aKolose 1:21-23.

a. Khwa wa Krisitu waazelena nni akhada Kolose? \_\_\_\_\_

b. Muluku aere aawonihede avi? \_\_\_\_\_

c. khanafuneya khaere avi? (1:23) \_\_\_\_\_

2. Chinni aRoma 12:2 unanieceliha jowi nierekenave? \_\_\_\_\_

\_\_\_\_\_

Khu mowi avi munasanduwa nyio vosakanyeda vyowumbuwela vyinyu? \_\_\_\_\_

\_\_\_\_\_

\_\_\_\_\_

3. Wu 1 aTesalonika 5:23, Pawulo unapephela jowi Muluku awuweliheni mokwakhwanela. Vyoharela vyiwa phivyivi wa thawi yolapha? \_\_\_\_\_

\_\_\_\_\_

Mbaani unaying'anela naari unasunga? (1 aTesalonika 5:24) \_\_\_\_\_

\_\_\_\_\_

Muluku unaateteza athu aje mowi avi? \_\_\_\_\_

\_\_\_\_\_

4. Pha mazu avi wu aGalatiya khanataphulela ubali okhalavove na Munemba?

a. aGalatiya 5:16-18 \_\_\_\_\_

\_\_\_\_\_

b. aGalatiya 5:25 \_\_\_\_\_

Khu mazu aavi khanna thandawuzo wa weyo etho mwasiwa? \_\_\_\_\_

\_\_\_\_\_

\_\_\_\_\_

5. Elenga aRoma 8:1-4, 8-9

a. Chinni yaerile Munemba wa Pawulo? (ndima 2, "set fre" vyinathonyiheda joko ejo jaeriwe muthawi yavadela) \_\_\_\_\_

\_\_\_\_\_

b. Inafuneya chinni jowi nikwakhwanelihede vyovephiwa vya lamulo mwa iyo? (aRoma 8:4) \_\_\_\_\_

\_\_\_\_\_

\_\_\_\_\_

c. Inawulepheliha chinni ing'aneliwa na jikhalelo jocimwa (naari "nyama")? (aRoma 8:8-9) \_\_\_\_\_

\_\_\_\_\_

\_\_\_\_\_

d. Phi vyoereya vyivi vyowoneya vya muthu unoyo unaying'aneliwa na Munemba?

(1) \_\_\_\_\_

(2) \_\_\_\_\_

(3) \_\_\_\_\_

6. Chinni jimohi jinawuerele Munemba hiya uzaala?

a. Chito 1:8 \_\_\_\_\_

b. Chito 9:31 \_\_\_\_\_

c. Chito 13:4 \_\_\_\_\_

d. Chito 20:28 \_\_\_\_\_

e. aRoma 8:14 \_\_\_\_\_

f. aRoma 8:26 \_\_\_\_\_

Chinni iwuerele Munemba khumela evo awuzaalile liye?

\_\_\_\_\_

\_\_\_\_\_

7. Molikana na 1Yohani 2:1-2, cimo khalinafuneya khalana mbali va jikumi jawo ja jikrisitu; koma waacimwa, unafuneya uere avi? \_\_\_\_\_

\_\_\_\_\_

Khu lonjezo liivi lopuputiwa moweliheda lieriwe wu 1 Yohani 1:7? \_\_\_\_\_

\_\_\_\_\_

Wa weyo inataphulela nni enda naari khala mu moneya? \_\_\_\_\_

8. Wu Chito 2:4 etho 4:31 athu phozaala na Munemba. Khu alini wafunile weyo naari achela sakwinyiwa wocenjiwa na Munemba wa Muluku? \_\_\_\_\_

9. Mwaza muyiziwa na Munemba no welihwa mwatutha, munoza mufuneyele thamala ubali winyu na Muluku voenda na liye malambo ethane m'Munemba. Iliyethene yaavolowelavo va ubali wihu na Muluku, ninafuneya nisayele uweliheda (1Yohani 2:1). Jikumi ja Hudson Taylor, mmishonale mughulukhulu na owambeeliha wa China Inland Mission, khu isazo yaphama ya evyi. Aakhede sanduwa wenw mukrisitu akanna vyagha 17, oowelihwa. Akamaliile vyagha mu umishonale, ooambeela erana vyoko mokhwaranyela. Vikavirile vyagha liye olemba:

Kaniacenje mazu a Mvulumuchi. Khai vya “uliwethene ung'wile”, koma “uliwethene unang'wa” (Yohani 4:14). Khawoka ya joko jimohive naari ya vyicici koma isimo yoeranave ya moyo. Wu Yohani 6:35, etho taphulela okwakhwanela khu: ule unna isimo yoza wa miyo khanaza avoliwa tala, etho ule unarolomela mwa miyo khanaza akhaana thona. . . .

Vyinandiwoneyela jowi acici mwa iyo ninalakwiha vohiya ng'wa ghale, evo thona likhalavove vano. Ninafuneya iyo khu ng'wa - eie, vothokoze thawi iliyethene inanilepheliha ng'wa vacici maice a jikumi.

(Howard Taylor, *Hudson Taylor's Spiritual Secret* [Nungwi wa Mupang'andu wa Hudson Taylor], Chicago, Moody Bible Institute, khayinna dambo)

Thi fucedo liivi ufucedile weyo va umboni unola? \_\_\_\_\_

\_\_\_\_\_

\_\_\_\_\_

\_\_\_\_\_

10. Phi vyoko vyiralu vyivi unafuneya weyo erana jowi uende mwa Munemba?

a. \_\_\_\_\_

b. \_\_\_\_\_

c. \_\_\_\_\_

Mukrisitu ozaala na Munemba etho unaenda mwa Munemba unafuneya aveceche malile a evyo Munemba unaerena liye mu jikumi ji. Viikhala vyoko vyimohi vyisungeliwe wujidimu. Malile anala khanowokiwa mu fucedo loharela.

## Ndimba yofuna sunga mmuru

Jowi culungamo ya lamulo yawomeleceche mwa iyo, nahanakhala moharela makhalelo ocimwa, koma mwa Munemba (aRoma 8:4).

Mukrisitu ozaala na Munemba etho unaenda mwa Munemba, unozasangalale no gonjiha odabwiha wa umunemba. Mwa eeno, viikhala malile wa evyo vyinaera Muluku wa akrisitu mu jikumi ji. Khawujedihede jowi jikumi jozaala na Munemba etho jowelihwa jikhwaranye mwemo mulonjezede Muluku. Viikhala vyoko vyimohi vyisungeliwe wujidimu.

1. Elenga aRoma 8:2, 18–27.
  - a. Munemba amuererele nni Pawulo, moharela 8:2? \_\_\_\_\_
  - b. Jilambo jino malambo ano jili avi wa akrisitu?
    - (1) ndima 18 \_\_\_\_\_
    - (2) ndima 20 \_\_\_\_\_
    - (3) ndima 22 \_\_\_\_\_
  - c. TMasiki Munemba aniwombole wu lamulo la cimo no khwa, ninakhalave mu jilambo ja goyi. Munemba unaza anierela nni vaghari voshishiwa? (8:26) \_\_\_\_\_
2. Muluku alambihide avi yofooka va jikumi ja Pawulo ? (2 aKorinto 12:9) \_\_\_\_\_
3. Masiki Krisitu ali ovela Muluku na wohokhaana cimo (1 Peduru 2:21–22), oogumana na malile, vyorucha, vyovoreya na goyi ngati mbali yokhalawo waje wa umuthu. Vyali vyiivi vyimohi mwa evyo?
  - a. Mateyu 13:57 \_\_\_\_\_
  - b. Mateyu 26:38–40 \_\_\_\_\_
  - c. Luka 4:1–2 \_\_\_\_\_
  - d. Luka 19:45 \_\_\_\_\_
  - e. Yohani 11:35 \_\_\_\_\_
  - f. Khu vyokhalamo vyiivi vyorucha vyanna weyo, komave ukhameela vyofuciha vya Krisitu? \_\_\_\_\_
4. Elenga aHeberi 4:15.
  - a. Yesu ashishiwe fiyeda mulungo uuvi? \_\_\_\_\_

b. Yosomeda yaje yali iivi? \_\_\_\_\_

c. Unahiyana avi shishiwa no cimwa? \_\_\_\_\_

5. Muluku unamuçonjeza nni voshishiwa? (1 aKorinto 10:13) \_\_\_\_\_

6. Mukrisitu unakwakhwanihe avi iyaniha yowokowa na yabure?

a. 1 Yohani 2:6 \_\_\_\_\_

b. aEfeso 5:10 \_\_\_\_\_

7. Someda wihu wa vyoereya ngati wova vvinokhoza khala vyaucimo. Elenga vya malo ambili anala evo Peduru awovile liye. Khu joereya jiivi jail ja ucimo etho jiivi jail ja umuthu? Mwaswa wa nni? (Mariko 14:66-71 etho Chito 4:29-31) \_\_\_\_\_

8. Makhalelo awumunemba a Pawulo khali aavi? (Chito 13:9) \_\_\_\_\_

Chi khondo iivi naari vyorucha agumanilena liye wu aEfeso 6:12? \_\_\_\_\_

Wu 2 aKorinto 11:28? \_\_\_\_\_

Khu khondo diivi naari mitolo edo diwonile weyo athu ozaala na Munemba khagumanakana? \_\_\_\_\_

9. Chinni yaalamulile yesu ofucedaje wu Mateyu 5:48? \_\_\_\_\_

Moharela Mateyu 5:43-47, khu umwene uuvi naari mbali ya jikumi munafuneya nyio khala owokowa (wokowa unataphulela kwakhwaneliha ndendende ejo joko jipangeliweathu.) \_\_\_\_\_

Mbali inela ya womela inawokiwa avi wu Mateyu 22:37-40? \_\_\_\_\_

Tila yaphama chiivi yosusiha wova oeluziwa? (1 Yohani 4:17-18) \_\_\_\_\_

Womela unakhumela uuvi? (aGalatiya 5:22) \_\_\_\_\_

Womela unapanga nni? (aRoma 13:9–10) \_\_\_\_\_

10. Vanduli vozaala na Munemba no welihwa, Muluku unajediheda nni wa weyo?

a. aKolose 1:22–23 \_\_\_\_\_

b. aGalatiya 5:25 \_\_\_\_\_

c. aFilipo 4:8 \_\_\_\_\_

11. Phindu la goyi, shishiwa na zuzuma wa akrisitu thilivi? (aRoma 5:3–5)

\_\_\_\_\_

12. Ninajediheda nni wu sogolo wujidimu? (1 Yohani 3:2) \_\_\_\_\_

Ninapanga nni vano etho chinene eva jowi nikhozeyele thawi inela? (1 Yohani 3:3) \_\_\_\_\_

\_\_\_\_\_

13. Pha mavuto aavi wujidimu unasakanyedeathu? (Vithula 21:4) \_\_\_\_\_

Evyi vyialonjeziwa wa mbaani? (Vithula 21:7) \_\_\_\_\_

\_\_\_\_\_

14. Mukrisitu ozaala na Munemba unogumanave na mavuto, shishiwa etho khondo. Limohi mwa mabukhu a jikrisitu elo lihindle chito yakopholo wu jilambo khu: *Christian's Secret of a Happy Life* [Nungwi wa Jikristu wa Upenje wa Umoyo Wamwene] la Hanna Whitall Smith. Liye oodidela ejo jinataphulela jowi khondo ikhale ya Ambwiye:

Ndarukunuwile mu 1856, ndanna vyagha 26. Novira wa thawi, Amwiye khoondiendiha mwa sayi iziwa vyimbarimbari vyicici. Koma murima waka wali wohopwaseya. Vomala wa vyagha thanu na diralu da jikrisitu, ndookhanyihediwa somedela mokhumbanya jowi khandanna kopholo dokwakhwanela da cimona mwemo ndarukunuwa miyo.

Ndooambeela fuceda wela. Ndooambeela dumbela mu uzaari wa cimo emo ndali miyo omakiwene. Ndookhaana sikimizela jowi khavili kopholo, naari pephele ya mbali yaka yalambevo, etho ndali wohoyiziwa tila iliyethene, ndali duzi jowi ndihiye.

Va thawi inela yofuna vacici (1863), Muluku oozana umbali yaaka amohi anayo vyakhalileathu vyali vyohiyana na vyaka. Khoosoriha jowi khoonidela “tila ya wela murima” eneyo yowi moyo owomboliwa ookhala no enda mwa murendeke okhalavove, etho oosanduchiwa

“okhwaranya ogonjiha” zela mwa Ambwiye Yesu Krisitu.

Ndooafuka jisisi jiwa aliwa khoosomeda: kukheda iya vyilimbiheda wihu wethene no murolomela Ambwiye jowi khanisanduche owela.

Khandiza ndidiwala dabwa wandivahile yosomeda inela. . . .

Ngati vithula, kari ya rayela wa jikumi aeji oofiya va miyo, koma umbuwela wali usha na wodabwiha jowi miyo ndiveceche. Miyo ndali wethene muwari mwa lamulo m’makanzizo aka naawoka vya jikumi ja dambo na dambo. Khandinarohevo murolomela Ambwiye wa evyi, etho khandayiziwa ndinavyiere avi. . . Ndooambeela wokokha sayela m’Malembo. Ndoodidela jowi Liye uviveleela wa miyo ngati jikumi jaka, etho jowi afuna avolowe mmurima mwaka atukule udindo novyilanda vyoko vyethene waliye. Liye ooviwonihwa wa miyo ngati Mvuluchi ofanela, okwakhwanela na okhalavo, etho miyo ndooviveleela mwatutha wa Liye; ndoovivocha ndinokhoza era eeno na muru mu nyanja ya womela Waje, na jolinga jowi vyeko vyethene evyi vyiereye mwa miyo zela mu chito yaje ya kopholo. Ndinarolomela mwa jimbarimbari jowi Liye ali welihwa waka, etho lungamihiwa waka, etho moyo waka vogomiheda oofanya vuma, vuma owi khavali lizu elo linakhoze sambawula – vuma ukhondo diwa dethene, vuma ukhondo dethene dogomiha, vuma wu vyowaawa vyihwa vyethene no fowoka. Jisisi jowelihwa ndoovithuleliwa, jisisi eji ja Krisitu. Moyo waka oovolowa mu vuma weghe wa muwari naari era “sunga sabata” wewo orumiwa Pawulo wu aHeberi 4:9, unasoriha “unakhalave wa athu a Muluku”. Khayi jowi khavanakhale khond; khondo vano, khahiwo yaaka, koma ya Krisitu.

Thawi dethene daghale da jikumi jaka ja jikrisitu dinawoneya ngati diitathiya. Miyo ndali mwana wa Muluku, phi vyowona, koma ulukhula waka wali orakala na usinkhu waka wali wofowoka. Ndikavithuleliwe jisisi eji ja jiolomelo, ndooambeela ulukhula; etho viveleela weghe wali ohowodeya wa miyo, osanduwa jisangalalo ja murima waka.

Rolomela, vuma, khalave, vela – vyi khu mbali yaka; liye unoerana vyethene vyohala. No lapha wiwa no diiha wa womela, thamala wohokhaana malire, womela wa zelu olaka, wulukhula osunga, vyakopholo vyovithuliwa, kopholo dajwe vofowoka, miyaliha owi avi vo khumbanya, moneya owi avi va isi, ruliwa owi avi vonyemela ndifanyile miyo; khu Muluku uuvi etho khuMvulumuchi uuvi, khavali mazu khanakhoze sambawula!

15. Fucedeccha jikumi jawo ja umunemba.

a. Pha mavuto aavi mujikumi jawo owi khahi vyowona mujediha Muluku jowi asakanyede mujikumi eji? \_\_\_\_\_

b. Chi mbali iivi unajieda weyo Muluku uvaha gonjiha? \_\_\_\_\_

c. Inafuneya weyo era chinni jowi ufiyede gonjiha wegghu? \_\_\_\_\_

d. What is your next step needed to experience that victory? \_\_\_\_\_

Mukrisitu ozaala na Munemba nokhoza jikhala jikumi mwa jimbarimbari. Naari jowi Muluku khanacose vyorucha vyethene, viikhala tiladimohi da kopholo edo liye unahindihele liye mujikumi jawo. Dimohi mwa edo dinawokiwa mu fucedo loharela.

## Ndimma yofuna sunga mmuru

Koma liye oondian dela: Sayi yaka chowukwakhwanela, mwasa owi kopholo yaka chowokowa mufowoka. Mwa ejo mosangalala ndinoza ndisangalalele fowoka waka, jowi va miyo vavumele kopholo da Krisitu (2 aKorinto 12:9).

Viikhala vyaphama vyicici evyo Munemba Owela unokhoza etho unozana mujikumi jawo waamuvepha.

1. Ing'anececha vyowoniheda vyoharelavyi wa amohi mwa owela murima wu Chito. thonya evyo vyaerile munemba wa aliwa etho zela mwa aliwa.
  - a. Mwa Peduru (Chito 4:8) \_\_\_\_\_  
Zela mwa Peduru (Chito 4:9-12) \_\_\_\_\_
  - b. Mwa Sitefano (Chito 7:55) \_\_\_\_\_  
Zela mwa Sitefano (Chito 7:59-60) \_\_\_\_\_
  - c. Mwa Barnabas (Chito 11:24) \_\_\_\_\_  
Zela mwa Barnabas (Chito 11:24) \_\_\_\_\_
  - d. Mwa Pawulo (Chito 13:9) \_\_\_\_\_  
Zela mwa Pawulo (Chito 13:10-12) \_\_\_\_\_
2. Tiyeni niying'aneceche wa Filipo, unoyo unakhoze sambawuliwa ngati mmohi mwa osakuliwa jowi akhale mu kometi yoamba ya pingo.
  - a. Khu udindo uuvi wanna Filipo mu pingo? (Chito 6:1-5) \_\_\_\_\_  
\_\_\_\_\_
  - b. Liye amuerere umboni mbaani, nanga mwasa wanni umboni unoyo wali ofuneyececha? (Chito 8:26-27) \_\_\_\_\_  
\_\_\_\_\_
  - c. Levulo ya Filipo yali avi vyokhuza munemba owela? (Chito 8:29-30) \_\_\_\_\_  
\_\_\_\_\_  
\_\_\_\_\_
  - d. Chi jisisi jiivi ja kopholo no garatheya vya Filipo? (Chito 6:3 etho 5) \_\_\_\_\_  
\_\_\_\_\_  
\_\_\_\_\_
3. Krisitu akaviveleede "jowi aawelihe wa liye athu aje wa mwinnya", jolinga jaye chiivi wa athu anala unakhuze jilambo jethene jinamurukunuwa? (Tito 2:14) \_\_\_\_\_  
\_\_\_\_\_  
\_\_\_\_\_

4. Ngati vyoharela vya thakaraka ya ofuceda ozaala na munemba, chiivi yali yoharela wa osawuwela wu Chito 4:31-35? \_\_\_\_\_  
\_\_\_\_\_  
\_\_\_\_\_
5. Sambawula vya ulendo unoyo mukrisitu ozaala na Munemba asomedaka yosawuwela. \_\_\_\_\_  
\_\_\_\_\_  
\_\_\_\_\_
6. Kopholo yowomela no lawiha isangalalo va mavuto vyinawonihiwa mujikumi ja orolomela ngati Estefano wu Chito 7:55-60 etho Pawulo na Sila wu Chito 16:25. Khuuvi naari mbaani uli liphara la womela no sangalala? (aGalatiya 5:22) \_\_\_\_\_  
\_\_\_\_\_  
\_\_\_\_\_
7. Muluku unafuna jowi umusapele avi? (Luka 1:74-75) \_\_\_\_\_  
\_\_\_\_\_  
\_\_\_\_\_
8. Ganizela athu wamba khaerakana vyoko vyavadela wa Muluku.
- a. Athu khanafanya wuwi zeludoerelana vyoko vyavadela wa Muluku? (1 aKorinto 12:4-6) \_\_\_\_\_  
\_\_\_\_\_  
\_\_\_\_\_
- b. Inafuneya lamula chinni vohindiha mutuka uliwethene? (1 aKorinto 12:7) \_\_\_\_\_  
\_\_\_\_\_  
\_\_\_\_\_
- c. Elenga ndandanda wa mituka, wodeyela na sayi mu ndima dohareda etho ulembe mutuka umohi va ndandanda uliwethene.
- (1) 1 aKorinto 12:8-11 \_\_\_\_\_
- (2) aRoma 12:6-8 \_\_\_\_\_
- (3) aEfeso 4:11-12 \_\_\_\_\_
- (4) 1 Peduru 4:9-11 \_\_\_\_\_
- d. Thi mituka diivi unaganiza weyo jowi Muluku uwuvaha nanga unalambihe avi jowi jowi ukwakhwanelihede vyofuna vya wusogolo? \_\_\_\_\_  
\_\_\_\_\_  
\_\_\_\_\_
9. Khu wuvi Muluku unawuvaheda liye kopholo daje? (aEfeso 3:16) \_\_\_\_\_  
\_\_\_\_\_  
\_\_\_\_\_

10. Pawulo ayiziwile avi mwemo aendihele liye chito yaje? (Chito 13:2 etho 16:7) \_\_\_\_\_  
\_\_\_\_\_
11. Ci chito chiivi yorucha avahide Krisitu wa omuharela aje? (Mateyu 28:19-20 etho Luka 24:46-48) \_\_\_\_\_  
\_\_\_\_\_
- a. Khasawuwela nni jowi kakwakwhanelihe chito inela? (Luka 24:49)  
\_\_\_\_\_  
\_\_\_\_\_
- b. Yamale avi yosawuwela inela? (Chito 1:8) \_\_\_\_\_  
\_\_\_\_\_
- c. Kwakhwanehiwa wiwa wali uuvi wa lonjezo eli la Muluku va 1:8 (Chito 2:4-12). \_\_\_\_\_  
\_\_\_\_\_  
\_\_\_\_\_
- d. Peduru na ofuceda amohi khali ozaala na Munemba. Vyoharela vyali vyivi, wu Chito 2:41, khaalaleyile no erela umboni? \_\_\_\_\_  
\_\_\_\_\_  
\_\_\_\_\_
- e. Woka vya thawi imohi ineyo Munemba awukhamihile khalela umboni. \_\_\_\_\_  
\_\_\_\_\_
12. Viikhala joko jinalepheliha chito ya Muluku mu jikumi jawo? \_\_\_\_\_  
\_\_\_\_\_  
\_\_\_\_\_
13. Samuel Logan Brengle ali ndimuwa wa Anyakhondo a Vulumucha. Mabukhu acici okhwaranya khoodalisa jilambo. Va viikhala vang'ono limbili laje:  
Va 9 jeniwale wa 1885, ya maora mathanu na manayi mamawa, Muluku ooweliha moyo waka. Miyo ndali ndikagarathile wu subi waka va thawi ineyo, koma va thawi vang'ono ndookhuma, ndomfanya muthu mmohi miyo khumuwandela evyo Muluku andierele liye. Mamawa a dambo loharela, ndoogumana na faka mmohi mutila miyo mulongosolela khani yaphama iyo. Ookhuwa, khumuthamala Muluku khundilimbiha jowi ndilaleyele vulumucha wokwakhwanela etho somedela malo khali ethene. Muluku omulambiha liye jowi andilimbihe

no ndikhamiha. Mwa eeno, dambo lohareda ndoolaleya vya khani inela moveya na mosikimizela ndookwakhwaniha no mariha umboni waka.

Muluku odalisa mazu mwa kopholo wa amohi, koma ndinarolomela jowi owadalisa vacici wa miyo. Somedela weghe uundisunga. Uuphaza milato unduli waka. Vyilambo vyiralu vano vyandiyang'ana ngati muthu unoyo Muluku anvahile liye murima wangwilo. Miyo khandawelele mundulu vano. Ndafuneya dowa musogolove. Muluku owona jowi miyo ndasakule khala orolomeleya fiyeda khwa. Evo, mamawa ambila vanduli va evyi, ndikavenyile vogona ndaelenga amohi mwa mazu a Yesu, liye ondivaha daliso elo miyo khandirohilevo jowi muthu unokhoza khaana mbali inela ya Wujidimu. Ali paradizo wa womela avolowile mmurima mwaka,. Ndookhuma enda mu Boston Common yahanakwakhwane thawi ya jodja ja mamawa ndilaka na isangalalo etho ndimuthamalaka Muluku. Oh, vyandiwo mede masika! Va thawi ineyo ndoomuyiziwa Yesu etho ndowomeliwana khalaka ngati murimaka unothweya na womela. Ndownomela phera, ndowomela anambwa, ndowomela acavalo, ndowomela ahima a mutila, ndowomela amarala anayo khandivira. mombaraanya, ndowomela wohorolomela ndowomela jilambo jethene

Unafuna uyiziwe jowi welihwa chinni? Khu womela wa ngwilo. Unafuna uyiziwe jowi ubadizo wa Munemba Owela chinni? Khahiwo vyova wokha. Khahiwo isangalalo ineyo inamala dambo limohive. Khu ubadizo wa womeliwa weghe unahinda maganizo ethene khala wa Ambwiye Yesu (2 aKorinto 10:5); unatathila wova wethene (1 Yohani 4:18); unathumeya kayika na wohorolomela a mwemo mulo unathumeyela pulasita; unamusanducha muthu ofaasa na ovijeviha mmurima (Mateyu 11:29); unamueriha muthu jowi ahiye takhala, nama no nyenga, lumi lojajaala na tila dethene dabure motakhaleliwa; unaeriha Wujidimu na Gehena khala vyimbarimbari vyohomala; unamupangiha muthu khala wathakaraka na waphama wa oholowa na ocimwa; unamusanducha muthu khala wangwilo, . . . wamurende, . . . ofiyedeya, ozaala na thakaraka na vyovaha vyaphama, wohokhaana mbali etho viphimba (Yakobo 3:17); unanilandela wu ubali owokowa na ohophazeya na Ambwiye Yesu Krisitu wu chito dajje na tolo ofuna alandela athu oholowa na ohovela wa Muluku.

Muluku upangele vyethene evyi miyo, lodaliseya likhale zina laje!

(Samuel Brengle, *Helps to Holiness* [Maviyo Gha Uthamakihwa], Londoni: Salvationist Publishing and Supplies, Ltd., 1955.)

14. Roha vang'ono! Unaganiza jowi chinni Munemba Owela unakhoze liye erana zela mwa weyo? \_\_\_\_\_

---

---

---

---

---

Unokhoza khala ozaala na Munemba etho welihiwa mokwakhwanela. Vyiereya? Unokhoza khala na enda m'Munemba ngati fuceda wa dambo na dambo. Uli mwemo? Munemba unoza aere na vyoko mwa sayi zela mwa weyo. Unoerana? Oh Ambwiye wa malambo aka a wusogolo, ndinafuna ndilawihe sangalasa wosogoleliwa wa tutha na Nyio mu jikumi jaka.

## Ndimba yofuna sunga mmuru

Vano, liye ondiandela: "Ala pha mazu a Ambwiye wa Zorobabelo: Khahi na kopholo naari na ulamulo, koma na Munemba waka, uni eeno Ambwiye Kopholo" (Zakariya 4:6).